

671.3411
076
13

泌陽縣志

卷五
卷六

泌陽縣志
卷五
卷六
FDG

泌陽縣志卷五

學校志

國學之制歷代相沿郡邑立學始於唐開元二十
六年至宋慶歷四年詔本道使者選屬部爲教授
法制寔寔大備矣又觀晉河內太守魯夔使民二
百家共立一學此義學之濫觴乎而宋太宗時以
監本九經賜白鹿洞學徒又賜石鼓書院勅額元
時書院山長命自朝廷誠重其選要之皆所以漸
民以詩書六藝之教而納之於道德仁義之中泌

額入學十二名在宛郡爲中學然尊經閣所藏
頒布經籍具在近歲又設義學十二所復重修銅峯
書院誠使師勤訓課士務窮經將見茅茹彙征觀
國之光實在於此至若鄉飲大典久未舉行昭其慎
也而紀其儀注大畧亦猶夫餼羊之尙存云爾志
學校

學宮

學宮在縣治西大街北中爲大成殿五楹南向祀
至聖先師孔子并祀四配十二哲殿前兩廡各七間東

廡祀先賢蘧子瑗以下六十五人西廡祀先賢林子放以下六十四人兩廡前戟門三間戟門左右爲東西角門戟門外中爲泮池池上石橋三道

東偏忠義祠三間更衣廳一間魁星閣一間

今改建南

街文昌宮書院前閣空廢

土地祠一間

西偏節孝祠三間名宦祠一間鄉賢祠一間又前爲櫺星門三間門外東西二坊坊東額德配天地坊西額道冠古今前爲照壁臨街

儒學大門三間在文廟東南向其西北爲明倫

堂在大成殿繚牆之後共五間東西間供臥碑前有月臺臺下數十步儀門一間曰風化門門外西偏爲訓導宅明倫堂之後爲尊經閣閣後舊有敬一亭今圯廢明倫堂東爲竇公祠三間祠前爲崇聖祠三間明倫堂西爲教諭宅又西臥碑亭三間

壁嵌明嘉靖五年頒發敬一箴碑并程子視聽言動四箴注釋碑又范氏心箴注釋碑凡六通

文廟大成殿恭懸康熙二十三年

御書萬世師表匾額雍正四年

御書生民未有匾額乾隆二年

御書與天地參匾額嘉慶四年

御書聖集大成匾額道光元年

御書聖協時中匾額

正殿

至聖先師孔子 凡神位皆木主

東配

復聖顏子名回字子淵魯人少孔子三十歲

述聖子思子名伋孔子孫

西配

宗聖曾子名參字子輿南武城人少孔子四十六歲
亞聖孟子名軻字子輿鄒人受業子思之門人

東哲

先賢閔子名損字子騫魯人少孔子十五歲

先賢冉子名耕字伯牛魯人

先賢端木子名賜字子貢衛人少孔子三十一歲

先賢仲子名由字子路一字季路卞人少孔子九歲

先賢卜子名商字子夏衛人少孔子四十四歲

先賢有子名若字子有魯人少孔子十三歲

乾隆三年升配

西哲

先賢冉子名雍字仲弓伯牛之族少孔子二十九歲

先賢宰子名子字子我魯人

先賢冉子名求字子有魯人少孔子二十九歲

先賢言子名偃字子游吳人少孔子四十五歲

先賢顓孫子名師字子張陳人少孔子四十八歲

先賢朱子名熹字元晦一字仲晦徽州婺源人

康熙五十年

一年
并配

東廡

先賢蘧瑗字伯玉衛人

明嘉靖年改祀於
鄉雍正二年復祀

先賢澹臺滅明字子羽武城人少孔子三十九歲

先賢原憲字子思魯人家語云宋人少孔子三十六

歲

先賢南宮适字子容孟僖子之子

先賢商瞿字子木魯人少孔子二十九歲

先賢漆雕開字子開魯人家語云蔡人字子若少孔

子十歲

先賢司馬耕字子牛宋人

先賢梁鱣

一作鱣

字叔魚家語云齊人少孔子二十九

歲

先賢冉孺字子魯

或作曾

家語云魯人少孔子五十歲

先賢伯虔字子析少孔子五十歲

先賢冉季字子產魯人

先賢漆雕徒父

先賢漆雕哆字子斂魯人

先賢公西赤字子華魯人少孔子四十二歲

先賢任不齊字選楚人

先賢公良孺字子正陳人

先賢公堅定

堅或作肩

字子中魯人亦云晉人

先賢鄒單字子家

先賢罕父黑字子索

先賢榮旂字子祺魯人

先賢左人郢字行魯人

先賢鄭國字子徒

先賢原亢籍家語云名亢字籍

先賢廉潔字庸衛人

先賢叔仲會字子期晉人

先賢公西與如字子上

先賢邾巽

或作邾

字子斂魯人

先賢陳亢字子禽陳人史記不見

先賢琴張見家語字子牢一曰字子開衛人史記不

見

先賢步叔乘字子車齊人

先賢秦非字子之魯人

先賢顏噲字子聲魯人

先賢顏何字冉魯人

雍正二年復祀

先賢縣直見家語史記不見

先賢樂正克魯人孟子弟子

雍正二年從祀

先賢萬章孟子弟子

雍正二年從祀

先賢周敦頤本名敦實字茂叔號濂溪道州人

先賢程顥字伯淳世居中山後徙河南世稱明道先

生

先賢邵雍字堯夫本范陽人後徙河南

先儒公羊高齊人

先儒伏勝字子賤濟南人

先儒董仲舒廣川人

先儒后蒼字近君東海剡人

先儒杜子春河南人

先儒諸葛亮字孔明即邪陽都人

雍正二年從祀

先儒王通字仲淹龍門人

先儒陸贄字敬輿嘉興人

道元六年從祀

先儒范仲淹字希文吳人

康熙五十四年從祀

先儒歐陽修字永叔廬陵人

先儒楊時字中立南劔將樂人

先儒羅從彥字仲素南劔人

先儒李侗字愿中劔蒲人

先儒呂祖謙字伯恭婺州人

先儒蔡沈字仲默建州建陽人

先儒陳淳字安卿漳州龍溪人
雍正二年從祀

先儒魏了翁字華甫邛州蒲江人
雍正二年從祀

先儒王柏字會之金華人
雍正二年從祀

先儒趙復字仁甫德安人
雍正二年從祀

先儒許謙字益之本京兆人徙金華雍正二年從祀

先儒吳澄字幼清撫州崇仁人乾隆三年復祀

先儒胡居仁字叔心餘干人

先儒王守仁字伯安餘姚人

先儒羅欽順字允升泰和人雍正二年從祀

先儒黃道周字幼平漳浦人道光五年從祀

先儒湯斌字潛菴睢州人道光三年從祀

西廡

先賢林放魯人史記不見明嘉靖年改祀於鄉雍正二年復祀

先賢宓不齊字子賤魯人少孔子四十九歲

先賢公冶長字子長齊人家語云魯人范甯云字子

芝

先賢公皙哀字季次家語云齊人

先賢高柴字子羔衛人少孔子三十歲

先賢樊須字子遲齊人少孔子三十六歲

先賢商澤家語云字子季

先賢巫馬施字子期陳人少孔子三十歲

先賢顏幸一作辛字子柳魯人少孔子四十六歲

先賢曹卹字子循蔡人少孔子五十歲

先賢公孫龍字子石楚人少孔子五十三歲

先賢秦商字子丕楚人家語云魯人字丕茲

先賢顏高字子驕魯人

先賢壤駟赤字子徒秦人

先賢石作蜀字子明

先賢公夏首字乘魯人

先賢后處字子里齊人

先賢奚容蒧字子皙衛人

先賢顏祖字襄魯人

先賢句井疆衛人

先賢秦祖字子南秦人

先賢縣成字子祺魯人

先賢公祖句茲字子之

先賢燕伋字思

先賢樂欬字子聲

先賢狄黑字皙

先賢孔忠家語云字子蔑孔子兄子

先賢公西蒧字子上魯人

先賢顏之僕字叔魯人

先賢施之常字子恒

先賢申楨史記作黨字周

先賢左邱明史記不見

先賢秦冉字開

雍正二年復祀

先賢牧皮史記不見

雍正二年復祀

先賢公都子孟子弟子

雍正二年復祀

先賢公孫丑齊人孟子弟子

雍正二年從祀

汝陽縣志 卷五
先賢張載字子厚長安人世稱橫渠先生

先賢程頤字正叔明道先生之弟世稱伊川先生

先儒穀梁赤一名淑一名喜字元始魯人

先儒高堂生謝承云魯人字伯

先儒孔安國孔子後

先儒毛萇趙人

先儒鄭元字康成北海高密人

先儒范甯字武子順陽人

雍正二年從祀

先儒韓愈字退之南陽人

先儒胡瑗字翼之海陵人

先儒司馬光字君實涑水人

先儒尹焞字彥明一字德充洛人

雍正二年從祀

先儒胡安國字康侯建寧崇安人

先儒張栻字敬夫廣漢人

先儒陸九淵字子靜金谿人

先儒黃幹字直卿閩縣人

雍正二年從祀

先儒真德秀本姓慎避諱改字希元浦城人

先儒何基字子恭金華人

雍正二年從祀

沙陽縣志 卷五
先儒陳澹字可大都昌人

雍正二年從祀

先儒金履祥字吉父蘭溪人

雍正二年從祀

先儒許衡字平仲河內人

先儒薛瑄字德淵河津人

先儒陳獻章字公甫新會人

先儒蔡清字介夫晉江人

雍正二年從祀

先儒呂坤字叔簡寧陵人

道光六年從祀

先儒孫奇逢字鍾元容城人

道光八年從祀

先儒劉宗周字起東山陰人

道光三年從祀

先儒陸隴其字稼書平湖人

雍正二年從祀

崇聖祠

肇聖王木金父

裕聖王祈父

詒聖王防叔父

昌聖王伯夏父

啟聖王叔梁父

東配

先賢顏無繇字路復聖父

先賢孔鯉字伯魚述聖父

西配

先賢曾點字子皙宗聖父

先賢孟孫氏亞聖父

東從祀

先儒周輔成周子父

先儒程珦二程子父

先儒蔡元定字季通蔡沈父

西從祀

先儒張廸張子父

先儒朱松字喬年朱子父

附先師廟祀考漢高祖十二年自淮南還過魯以太牢祀孔子此祀聖之始猶未祀之於學也明帝永平二年令郡縣學校皆祀聖師周孔亦未有特廟廟祀孔子於學自唐始高祖武德二年詔國子學立周公孔子廟各一所四時致祭以周公爲先聖孔子爲先師太宗貞觀二年左僕射房元齡等建議以周公尼父俱稱聖人庠序置奠本緣夫子

晉宋梁陳及隋大業故事皆以孔子爲先聖顏回
爲先師歷代所行古今通允因有詔停周公祭升
孔子爲先聖專祀焉歷代因之明洪武十五年詔
天下通祀孔子頒行天下學校令每歲春秋仲月
上丁日祀今仍其制

先聖諡號考魯哀公諫曰尼父漢平帝諡曰宣尼
公和帝封爲褒尊侯北魏孝文帝改諡文聖尼父
後周宣帝封鄒國公隋文帝贈先師尼父唐太宗
尊爲先聖又尊爲宣父高宗贈爲太師武后封爲

隆國公明皇追謚文宣王宋真宗加謚元聖文宣
王元武宗加封大成至聖文宣王明世宗改稱至
聖先師孔子

〔配祀從祀考〕按明洪武初國學奉孔子木主以仲
春仲秋上丁日遣官致祭至十五年始詔天下儒
學通祀孔子期如國學先期齋戒省牲

嘉靖九年詔直省府州縣盡易孔子塑像爲木主
大成至聖文宣王改稱至聖先師孔子四配充國
公邠國公沂國公鄒國公改稱復聖顏子宗聖曾

子述聖子思子亞聖孟子十哲閔子顓孫子稱先賢
國朝因之其棟廡舊有四十九位澹臺滅明至
左邱明西廡舊有四十八位處不齊至顏曾俱稱
先賢

康熙二十五年奉 旨進宋儒周敦頤程顥張載
程頤邵雍朱熹並稱先賢公羊高至薛瑄數梁赤
至胡居仁俱稱先儒顏無繇曾點孔鯉改入啟聖
祠申黨卽申棖去黨存棖蘧瑗林放鄭康成鄭眾
廬植服虔范甯吳澄改祀於其鄉顏何公伯寮秦

冉荀况戴聖劉向賈逵馬融何休王弼王肅杜預
俱黜

二十九年巡撫閩興邦題准設佾舞生六十四人
禮部頒樂祭器儀制圖禮樂錄

四十六年 欽頒訓飭士子文

四十九年奉 旨武職與祭

五十四年奉 旨以宋儒范仲淹從祀

五十四年遷東廡先賢朱子燹配享十哲之次

雍正二年奉 旨附饗廟庭諸賢復祀者六人林

放遠瑗秦冉顏何鄭康成范甯增祀者二十人縣
直牧皮樂正子公都子萬章公孫丑諸葛亮尹焞
魏了翁黃幹陳淳何基王栢趙復金履祥許謙陳
澔羅欽順蔡清陸龍其

雍正五年奉 上諭先師誕辰一日齋戒諱名加
卽爲邱

乾隆二年奉 旨元儒吳澄復祀廟庭
三年遷東廡先賢有子若配享十哲之次

道光二年奉 旨劉宗周從祀三年湯斌從祀五

年黃道周從祀六年陸贄從祀八年孫奇逢從祀
崇聖祠始於明嘉靖九年詔天下學宮各建啟聖
公祠祀叔梁紇以先賢顏無繇曾點孔鯉孟孫氏
配享先儒程珦朱松蔡元定從祀
萬歷三十三年又以周輔成從祀

雍正二年以張廸從祀

三年奉 旨追封孔子五代肇聖王木金父裕聖
王祈父諡聖王防叔昌聖王伯夏啟聖王叔梁紇
設位祠內改啟聖曰崇聖每歲春秋於祀先師日

先一刻行禮諸儀節視先師樂用鼓吹

御製至聖先師贊并序

康熙二十五年

蓋自三才建而天地不居其功一中傳而聖人代
宣其蘊有行道之聖得位以綏猷有明道之聖立
言以垂憲此正學所以常明人心所以不泯也粵
稽往緒仰溯前徽堯舜禹湯文武達而在上兼君
師之寄行道之聖人也孔子不得位窮而在下秉
刪述之權明道之聖人也行道者勲業炳於一朝
明道者教思周於百世堯舜文武之後不有孔子

則學術緜滄仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫

亦嚴筆削上紹往緒下示來型道不終晦秩然犬
經百家紛紜殊途異趣日月無踰羹牆可晤孔子
之道惟中與庸此心此理千載所同孔子之德仁
義中正秉爨之好根本天性庶幾夙夜勗哉令圖
溯源洙泗景躅唐虞載歷庭除式觀禮器擗臺仰
贊心焉遐企百世而上以聖爲歸百世而下以聖
爲師非師夫子惟師於道統天御世惟道爲寶秦
山巖巖東海泱泱牆高萬仞夫子之堂孰窺其藩
孰窺其徑道不遠人克念作聖

祖製顏子贊

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用行舍藏王佐之器

曾子贊

洙泗之傳魯以得之一貫曰唯聖學在茲明德新民止善爲基格致誠正均平以推至德要道百行所基纂承統緒修明訓辭

子思子贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

哲人既萎楊墨昌熾予與闢之曰仁曰義性善獨闢知言養氣道稱堯舜學屏功利煌煌七篇並垂六藝孔學攸傳禹功作配

御製四賢贊並序

乾隆十三年

聖門弟子三千其賢者七十有二人史記家語各

爲紀其姓氏考其事迹以垂之後世而能契夫子之心傳得道統之正脉者則惟顏曾思孟四人顏子得克已復禮之說曾子與聞一貫之傳親炙一堂若堯舜禹之相授受夔乎尙矣子思師事曾子發明中庸之道而歸其功於爲已謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道也孔子之道賴顏曾思孟而傳今聖

廟祀典四子升配堂上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老簞瓢陋巷至樂不移仰高鑽堅三月無違夫子有言克己成性用致其功允成復聖

宗聖贊曰宣聖轍環在陳興歎孰是中行授教一貫曾子孜孜惟聖依歸唯而不疑以魯得之會友輔仁任道重遠十傳釋經超商軼偃念彼先子沂

水春風淵源益粹篤實春容臨深履薄得正以終
三千雖多獨得其宗

述聖贊曰天地儲精川嶽萃靈是生仲尼玉振金
聲世德作求孝孫維則師曾傳孟誠身是力眷茲
後學示我中庸位天育物致和致中夫子道法堯
舜文武紹乃家聲述乃文祖

亞聖贊曰戰國春秋又異其世陷溺人心豈惟功
利時君爭雄處士橫議爲我兼愛簧鼓樹幟魯連
高風陳仲廉士所謂英賢不過若是於此有人入

孝出弟一髮千鈞道脉永繫能不動心知言養氣
治世之畧堯舜仁義愛君澤民惓惓餘意欲入孔
門非孟何自孟丁其難顏丁其易語默故殊道無
二致卓哉亞聖功在天地

名宦祠

原任巡撫河南等處地方都察院右副都御史佟公

鳳采

宦蹟
未詳

原任總督直隸山東河南等處地方兵部尙書兼都

察院右副都御史李公

宦蹟
未詳

原任總督直隸山東河南等處地方兵部尚書兼都

察院右副都御史朱公

宦蹟未詳

原任泌陽縣知縣龔公芝

詳宦蹟

原任泌陽縣知縣胡公尙清

詳宦蹟

原任提督河南通省學政按察使司僉事張公潤民

公督學中州不染纖塵

一時才俊彙拔殆盡

原任分巡南汝道按察使司僉事羅公文現

公於康熙三十五年蒞任三十八年春大飢捐費賑濟活災民數萬嚴行保甲奸宄潛踪

原任南陽府同知張公三異

公學宗濂洛德教及民
宛南士民至今思之

右舊志所載名宦凡九位佟公李公朱公宦蹟未
詳張公潤民羅公文現張公三異宦蹟雖具而於
本邑無關悉照舊志附記本條之下嘉慶十一年
重修郡志續增漢鮑公昱以下十六位其政績彰
著者另詳宦蹟傳茲不備載

漢汝陽長鮑公昱

元汝陽令程公仲賢

明汝陽知縣胡公惠

明泌陽知縣徐公讓

明泌陽知縣曹公思誠

明泌陽知縣周公維翰

明泌陽知縣張公爾見

明泌陽知縣李公蕃長

明殉難泌陽知縣姚公昌祚

明殉難泌陽知縣王公士昌

明殉難泌陽縣教諭李公本實

明殉難泌陽縣主簿熊公天倫

明殉難泌陽縣主簿余公國柱

明殉難泌陽縣典史雷公振先

皇清泌陽知縣傅公和羹

皇清泌陽知縣雷公珽

鄉賢祠

明貴州按察司副使焦希程

明南京大理寺寺正陳庭訓

忠義祠

明旌表義士焦輔世

明旌表義士高某

明旌表義士吳紹伯

明旌表義士樊以屏

明旌表義士吳汝謙

明孝子曹翰

明孝子杜漸

明孝子馬中驥

皇清旌表殉難武生崔致中

皇清旌表殉難監生雋

枚子永速

安

沙陽縣志 卷五
皇清旌表殉難監生崔永壽

奉

盲人祀禦賊被害義民郭

坦

子丙午
荀添

節孝祠

明旌表節婦徐高氏

明旌表節婦吉鄭氏

明旌表節婦鄧張氏

明旌表節婦王王氏

明旌表節婦李氏

明旌表節婦王陳氏

明旌表節婦傅許氏

明旌表節婦李焦氏

明旌表節婦吉焦氏

明旌表節婦關焦氏

皇清旌表節孝婦李喬氏

皇清旌表節孝婦王禹氏

皇清旌表節孝婦吳韓氏

皇清旌表節烈婦鄭江氏

皇清旌表節烈婦張胡氏

皇清旌表節烈婦閻楊氏

皇清旌表節孝婦李張氏

皇清旌表節婦邱郭氏

皇清旌表節婦謝張氏

皇清旌表節婦邱馮氏

皇清旌表節婦崔魏氏

皇清旌表節婦陳吳氏

皇清旌表節婦張桂姐

皇清旌表烈女馬氏

皇清旌表烈女胡氏

皇清旌表貞烈女宋氏

學額

額進十二名每歲試武生十二名廩生缺二十名增
生缺二十名二年一貢拔貢生十二年一人恩貢
生遇恩貢充以其次廩爲歲貢

按唐制上縣四十人中縣三十五人下縣二十五
人宋無定員明洪武初制府學四十人州三十人

縣二十人日給廩膳宣德三年增廣生員數如之
正統十二年復益以附學無定員近制府學進士
十人悉州縣童生撥入泌陽十二人其撥入府學
者在外至於能精騎射通策論者進取武生寄備
學肄業

附教法明洪武十三年頒示榜文令天下儒學刻
石於明倫堂左謂之臥碑蓋略倣宋理宗淳祐六
年御書白鹿洞數條示各學立石之遺意也

國朝令禮部改定條約仍立之舊會典昕夕教諭坐

於堂鳴鼓諸生升堂已乃退就舍訓導進諸生於齋日誦讀焉月三六九日學官進諸生於堂讀書作文如約諸生每歲復其身家人二丁田二十畝每月朔望府州縣首領官率教官及諸生謁

先師禮畢八明倫堂講書已屬府學者教官率諸生詣府揖退乃就學各州縣如之廩膳歲貢悉如明制御製臥碑文頒勒各學

順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養

成賢才以供

朝廷之用諸生皆當上報

國恩下立人品所有教條開列於後

一 生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一 生員立志當學爲忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作

良吏若心術邪刻讀書必無成就爲官必取禍患
行害人之事者往往自殺其身常宜思省

一生員不可干求官長交結勢要希圖進身若果
心善德全上天知之必加以福

一生員當愛身忍性凡有司官衙門不可輕入卽
有切已之事止許家人代告不許干與他人詞訟
他人亦不許牽累生員作證

一爲學當尊敬先生若講說皆須誠心聽受如有
未明從容再問毋妄行辨難爲師長者亦當盡心

教訓勿致怠惰

一軍民一切利病不許生員上書陳言如有一言
建白以違制論黜革治罪

一 生員不許糾黨多人立盟結社把持官府武斷
鄉曲所作文字不許妄行刊刻違者聽提調官治
罪

聖諭十六條 康熙三十年

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

降學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匠逃以免株連

完錢糧以省催科

聯保甲以弭盜賊

解讎忿以重身命

欽頒訓飭士子文 雍正四年

國家建立學校原以興行教化作育人才典至渥也朕臨御以來隆重師儒加意庠序近復慎簡學

使釐剔弊端務期風教修明賢才蔚起庶幾樸樸
作人之意乃比年士習未端儒教罕著雖因內外
臣工奉行未能盡善亦由爾諸生積錮已久猝難
改易之故也茲特親製訓言再加警飭爾諸生其
敬聽之從來學者先立品行次及文學學術事功
原委有叙爾諸生幼聞庭訓長列宮墻朝夕誦讀
寧無講究必也躬修實踐砥礪廉隅敦孝順以事
親秉忠貞以立志窮經考業勿雜荒誕之談取友
親師悉化僑盈之氣文章歸於醇雅母事浮華軌

度式於規繩最防蕩軼子衿佻達自昔所譏苟行
止有虧雖讀書何益若夫宅心弗淑行已多愆或
蜚語流言脅制官長或隱糧包訟出入公門或唆
撥姦猾欺孤凌弱或招呼朋類結社邀盟乃如之
人名教不容鄉黨弗齒縱倖脫褫扑濫竊章縫返
之於衷寧無愧乎况夫鄉會科名乃掄才大典關
係尤鉅士子果有真才實學何患困不逢年顧乃
標榜虛名暗通聲氣夤緣詭遇罔顧身家又或改
竄鄉貫希圖進取囂凌騰沸網利營私種種弊端

深可痛恨且夫士子出身之始尤貴以正若茲厥
初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先
疏附之選哉朕用嘉惠爾等固不禁反覆惓惓茲
訓言頒到爾等務共體朕心恪尊明訓一切痛加
改省爭自濯磨積行動學以圖上進國家三年登
造束帛弓旌不特爾身有榮卽爾祖父亦增光寵
矣逢時得志寧俟他求哉若仍視爲具文玩愒勿
徹毀方躍冶暴棄自甘則是爾等冥頑無知終不

能率教也既負栽培復干咎戾王章俱在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

欽頒訓飭士子文

乾隆十年

士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深人

人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文義之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此

以爲苟足以應有司之求矣則無事於汲汲爲也
是以至於惰遊而不知反終身不能有志於學而
君子以爲非士之罪也使教素明於上而學素講
於下則士子固將有以用其力而豈有不勉之患
哉諸君苟能致思於科舉之外而知古人之所以
爲學則將有欲罷不能者矣觀朱子此言洵古今
通患夫爲己二字乃入聖之門知爲己則所讀之
書一一有益於身心而日用事物之間存養省察
闡然自修世俗之紛華靡麗無足動念何患詞章

聲譽之能奪志哉况卽爲科舉亦無礙於黜貴之
學朱子云非是科舉累人人累科舉若高見遠識
之士讀聖賢之書據吾所見爲文以應之得失置
之度外雖日日應舉亦不累也居今之世雖孔子
復生也不免應舉然豈能累孔子也朱子此言卽
是科舉中爲己之學誠能爲己則四書五經皆聖
賢之精蘊體而行之爲聖賢而有餘不能爲己則
雖舉經義治事而督課之亦糟粕陳言無裨實用
浮僞與時文等耳故學者莫先於辨志志於爲己

者聖賢之徒也志於科名者世俗之陋也國家養
育人才將用以致君澤民治國平天下而囿於積
習不能奮然求至於聖賢豈不謬哉朕膺君師之
任有厚望於諸生適讀朱子書見其言切中士習
流弊故親切爲諸生言之俾司教者知所以教而
學者知所以學

高宗純皇帝整飭書院成就人才上諭

乾隆元年

上諭書院之制所以導進人才廣學校所不及我

世宗憲皇帝命設之省會發帑金以資膏火恩意至渥

也古者鄉學之秀始升於國然其時諸侯之國皆有學今府州縣學並建而無遞升之法國子監雖設於京師而道里遙遠四方之士不能胥會則書院卽古侯國之學也居講席者固宜老成宿望而從遊之士亦必立品勤學爭自濯磨俾相觀而善庶人才成就足備朝廷任使不負教育之意若僅攻舉業已爲儒者末務况藉爲聲氣之資游揚之具內無益於身心外無補於民物卽降而求文章成名足希古之立言者亦不多得寧養士之初旨

取該部卽行文各省督撫學政凡書院之長必選
經明行修足爲多士模範者以禮聘請貢笈生徒
必擇鄉里秀異沉潛學問者肄業其中恃才放誕
佻達不羈之士不得濫入書院中酌做白鹿洞規
條立之儀節以檢束其身心做分年讀書法予之
程課使貫通乎經史有不率教者則攢斥勿留學
臣三年任滿諮訪考檢如果教術可觀人才興起
各加獎勵六年之後著有成效奏請酌量議叙諸
生中才器尤異者准令薦舉一二以示鼓舞特諭

頒學現存書籍

道光二年教諭賈鹿洞訓導寶豹變查明存冊

御批資治通鑑綱目十四套

欽定詩經三套

散書三十三本

欽定春秋六套

散書二十四本

欽定書經四套

散書十二本

欽定儀禮三十六本

欽定禮記三十六本

欽定周官義疏二十四本

大清律二套

大清律續纂二套

康熙字典六套

樂善堂全集二套

缺二本

周易折中二套

散書十二本

二十一史三十六套

缺一本

十三經十二套

缺一本

明史八套

律例校正

有套無書

四書解義二套

缺一本

四書文章十四本

綱鑑易知錄三十二本

性理精義一套 散書六本

學政全書十二本

大清通禮十二本

道光七年頒

科場條例一套

學田

學田一項 內分

教諭六十畝

訓導四十畝

舊志云學田之設所以養廉也方諸古制其分田制祿之遺意歟泌於明萬歷年故營繕所所正焦洪祖始捐地五十畝以少供課餼之需每畝每年議定租銀八分共銀四兩明末寇變佃種人戶悉亡今俱荒蕪其地在城北三里事係大典爰照古誌記之

書院

銅峰書院 在西門內南街文昌祠後講堂三間穿

堂三間客廳三間前後齋房共十三間

舊志豐羽書院僅存其名並無其地嘉慶二十一年知縣楊兆李因西門大街舊有公廨一所約三十餘間改爲銅峰書院重建原委詳碑記載藝文義學

按舊志云義學無定處縣令有舉行者往往借寺院公所延師供饌其中但未有經費或作或輟嗣官庄保設有義學貳處道光八年知縣倪明進勸令捐立籌經費定章程新設義學十二處其原委

詳碑記載藝文

詳碑記載藝文

城內義學一所 在南門內計學舍七間道光八年
知縣倪明進將公廨設立酌撥官租以作經費
昆陽保義學二所 一在棟樹庄距城西十五里計
學舍三間經費地一項坐落王衝新庄道光八年
邑候選縣丞王安仁捐設

一在宋家庄距城北二里計學舍六間經費菜園
地十畝坐落南門外道光八年邑儒童吳應甲捐
設

饒良保義學二所 一在饒良鎮街南距城西七十

里學舍設該處祖師廟經費生息錢壹千零五拾
壹千道光八年邑附貢邱慎修等董衆捐設

一在饒良東南薛家岡距城西八十里學舍設該
處興國寺經費生息錢五百千道光八年邑捐職
千總薛永貞等同族七家捐設

羊冊保義學三所 一在羊冊鎮西街距城西北七
十里計學舍叁拾柒間名曰紹聞書院經費地一
頃五十畝又宅基一處坐落羊冊鎮南郭庄道光

八年邑侯選訓導呂協韶同弟監生呂協和捐設

一在羊冊鎮南街計學舍十間經費地二十三畝坐落羊冊鎮西北萊園地十畝坐落羊冊鎮西又生息錢二百千道光八年邑寡婦張劉氏捐設

一在羊冊鎮北街計學舍三間經費出賃瓦房十五間坐落學舍之旁揚美盛又修瓦房二間施舍錢州五千道光八年邑商書筆行郭秀諸人等捐設

官庄保義學四所 一在雙廟鎮西五里距城西北二十五里學舍設該處花碑寺經費地一頃五十畝坐落寺四旁道光八年邑捐職呂復會等將伊

祖原施香火地改設

一在官庄鎮街北距城西北四十里學舍設該處
興隆寺經費地一項六十畝坐落該寺四旁道光
八年邑府書王明哲等勸捐將伊祖原施該寺嘗
出香火地贖回改設

一在官庄鎮街東計學舍九間經費地一項四十
畝坐落鎮東市宅三處坐落街中舊係閩營義學
嘉慶二十二年生員王挺世等七家重新整理輸

流經管

一在玉皇廟距城東五十里學舍設該廟經費地六十畝坐落該廟前後道光四年知縣永銘因該廟住持滋事逐出改設此二處係舊設

高邑保義學一所 在高邑鎮東二里距城東三十里學舍設該處太山廟經費菜園十二畝地十三畝坐落該廟前後道光八年邑生員陳觀等董眾修廟捐設

牛蹄保義學一所 在曹庄距城東九十里計學舍二間經費地一頃六十畝坐落該處又學舍門前

地四畝道光八年邑監生王廷相捐設

鄉飲酒禮

每歲正月望十月朔舉行前一日執事者於儒學之講堂依圖陳設坐次司正率執事習禮至日黎明執事者宰牲具饌主席及僚屬先詣學遣人速賓僕以下比至執事者先報曰賓至主席率僚屬出迎於庠門之外揖入主居東賓居西三讓三揖而後升堂東西相向立贊兩拜賓坐執事者又報曰饌至主席又率僚屬出迎揖讓升堂拜坐如前儀賓饌介至既就位執事者唱司正揚觶執事者引司正由西階升詣

沙陽縣志 卷五 三
堂中北面立執事者唱賓以下皆立唱揖司正揖賓
僕以下皆揖執事者以觶酌酒授司正司正舉酒曰
恭惟

朝廷率由舊章敦崇禮教舉行鄉飲非爲飲食凡我長
幼各相勸勉爲臣盡忠爲子盡孝長幼有序兄弟
恭內睦宗族外和鄉里無或廢墜以忝所生讀畢執
事者唱司正飲酒飲畢以觶授執事執事者唱揖司
正揖賓以下皆揖司正復位賓僕以下皆坐唱讀律
令執事者舉律令案於堂之中贊禮引讀律令者詣

案前北面立唱饌賓僕以下皆立行揖禮如前讀畢復位執事者唱供饌案執事者舉饌案至賓前次饌次介次主主賓以下各以次舉訖執事者唱獻賓主起席北面立執事斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者斟酒授賓賓受爵詣主前置於席稍退贊兩拜賓僕主交拜訖各就位坐執事分左右立介三賓眾賓以下以次斟酒於席訖執

事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓候以下皆行禮候主僚屬居東賓介三賓眾賓居西贊兩拜訖唱送賓以次下堂分東西行仍三揖出庠門而退凡鄉飲酒禮所以序長幼崇貴賤別姦頑也齒德俱優者居上高年者次之以次序齒而坐作姦犯科者不與與者以違制論其有諠譁失禮者揚觶者以禮責之縣令主位東南大賓以致仕官爲之位西北俱擇鄉里齒德並茂之人位於東北介以次長位於西

南三賓以賓之次者爲之位於賓主介僕之後除賓
僕外眾賓序齒列坐其僚屬則序爵司正以教職爲
之主揚觶以罰贊禮者以老成生員爲之執事者十
有二人通贊二引贊四擊鼓一擊鐘一伐磬一揚觶
一讀律讀誥一

宣講

聖諭之禮

附

月朔望於邑中城隍廟爲鄉約所以老成公正一八
爲約正按期集所部民宣講

聖諭有司公服泣恭宣

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓擇律文內民俗易犯者咸宣示
之兵民圖聽宣畢各退

賓興之禮附

於孟秋月諏吉日前期取具儒學錄科清冊有司宮
命吏持名帖徧戒賓屆期布席具饌召樂人儀門
外架天橋以象嶺宮有司席於大堂稍東儒學席
於大堂稍西皆面南諸生席於兩序南北肆東西
向諸生咸集序進有司立竝諸生揖有司答揖樂
作奠爵奠箸諸生告坐行酒進饌樂人演魁星加
官諸劇饌至五簋諸生起辭謝酒饌樂作由中階
出有司送至儀門之外諸生禮辭登天橋優人作

嫦娥粧名贈桂花成禮而出

泌陽縣志卷六

兵防志

國朝以神武定天下偃伯靈臺受釐宣室耀德而不
觀兵式符邳治顧防禦之策立法周詳都會郡邑
汛衛分守所以威不軌而禁奸慝也泌邑東界遂
確北連裕舞接壤之間重岡複嶺匪類易滋司牧
者奉法承流清查保甲而駐防營伍亦復校閱以
時隨同盤詰所謂有文事者必有武備

國家久安長治之謨基諸此矣志兵防

駐防泌陽汛右哨左司把總一員

協防泌陽汛移駐沙河店外委一員

額設馬守兵丁共二十四名內分馬兵二名字識
二名守兵二十名道光三年十一月奉

南陽總鎮段籌議將平氏汛馬守兵一百名內撥
防泌陽汛存城馬兵一名守兵九名撥防沙河店
守兵六名計添馬守兵十六名連前額設共四十
名

駐防把總奉銀十二兩四錢七分一釐薪銀二十

三兩五錢二分九釐養廉銀九十兩

協防外委養廉銀十八兩餉銀二十四兩春冬二季
枯干銀六兩夏秋二季青干銀五兩四錢米三石六斗照例折銀四兩八錢

馬兵三名每名餉銀二十四兩春冬二季枯干銀六兩夏秋二季青干銀五兩四錢米三石六斗照例折銀四兩八錢

守兵三十五名每名餉銀十二兩米三石六斗照例折銀四兩八錢

字識二名每名應支餉米銀數與守兵同

官弁

把總

國朝

王寧 見舊志里貫無考

陳英俊 見舊志里貫無考

黃錫庚 行伍上蔡縣人乾隆四十年任

劉廷選 行伍南陽縣人乾隆五十一年任嘉慶

元年奉調出師湖北勦匪八月在襄陽縣屬之

雙溝地方打仗陣亡奉旨入祀昭忠祠世襲

雲騎尉

孫事幹 世襲雲騎尉魯山人嘉慶二年署

王霞山 行伍淮寧人嘉慶九年任

陳萬魁 行伍洛陽人嘉慶十七年任

外委

國朝

夏炳 行伍乾隆四十一年任

翟可明 行伍南陽縣人乾隆五十一年任嘉慶

二年三月楚匪竄入沙河店該外委帶兵任亮
張綱何中元等與賊打仗守兵任亮陣亡張綱
頂心受傷俱蒙 賞卹

騫 兆 行伍南陽縣人嘉慶九年任

劉朝慶 行伍南陽縣人嘉慶二十四年任

出師陣亡行營外委一員袁合泰 泌陽人

出師陣亡守兵五名周禮王魁任亮許兆瑞連
祥皆泌陽人蒙 恩卹賞並祀昭忠祠

賦役志

取民之制歷代不同而皆不能無弊至唐楊炎定
爲兩稅明張江陵行一條鞭法後世多遵用之雖
非經國之遠圖實乃救弊之善政我

朝民不加賦丁無雜徭生斯世者固相忘於耕鑿之
天矣而泌邑疆域遼濶山地之賦尤輕每屆催科
輸將恐後無鞭朴督責之勞夫政煩賦重何代蔑
有碩鼠苕華之詩所爲作也幸生於輕徭薄斂之
宇而鼓腹含哺共樂太平豈不懿哉志賦役

保分

洪武初設五保

毘陽保

前保

象河保

高邑保

白失保

宣德間添設六保

田市保

泉河保

琢城保

洪義保

高邑下保 白失下保

正統間添設六保

坡山保

張花保

小店保

羊門保

羊皮保 富庶保

成化間添設十二保

安仁保 咸和保 崇信保 辛興保

南樂保 比寧保 官庄保 雙山保

牛蹄保 春水保 鄧庄保 羊册保

正德間添設七保

古城保 蒿陂保 石牌保 楊保

洪路保 北澤保 高店保

以上共三十六保係屢次添設足徵日盛月新矣

自明季兵燹人丁百不存一地畝荒蕪殆盡

順治二年知縣傅和羹併爲十保

毘陽保

饒良保

象河保

高邑保

百秩保

牛蹄保

官庄保

羊册保

琢城保

富庶保

康熙十二年知縣李世德裁去琢城富庶二保併爲

八保今仍之

戶口

道光七年報部民戶二萬三千四百七十八口一十

五萬二千一十九內分大口九萬七千二百八十八小口五萬四千七百三十一
實在牌民戶口

毘陽保二百一十六村庄四千六百六十三戶三萬七千三百零四名口

官庄保二百三十六村庄四千八百六十三戶三萬八千六百八十八名口

饒良保一百二十七村庄二千五百七十二戶二萬零一百七十六名口

羊册保一百三十二村庄二千七百二十五戶

萬一千八百名口

象河保二百零一村庄四千六百九十二戶三萬
七千二百二十六名口

百秩保一百八十四村庄四千一百三十一戶四
萬零二百四十八名口

牛蹄保二百八十七村庄五千五百四十七戶四
萬四千三百七十六名口

高邑保二百七十二村庄五千三百八十九戶四
萬三千一百一十二名口

已上八保共一千六百五十五村庄

共三萬四千五百八十二戶

共二十八萬二千九百三十名口

丁賦

原額人丁五萬八千八十八丁

原額丁銀三千八百二十三兩七錢四分內除

逃亡人丁四萬二千三百九丁

逃亡丁銀三千一百八十八兩二錢六分

康熙五十二年欽奉

恩詔海宇承平日久戶口日繁地畝并未加廣宜施廣大之恩共享恬熙之樂嗣後直隸各地方官遇編審之期察出增益人丁止將實數另造清冊奏聞其徵收錢糧但據康熙五十年丁冊爲准續生人丁名爲盛世滋生永不加賦

又乾隆三十六年奉文編審

盛世滋生戶口人丁四千八百九十六丁不加賦外
現在征賦人丁一萬八百八十三丁內分

上上丁一十三丁每丁派銀五錢共派銀六兩五

金

上中丁二十七丁每丁派銀四錢共派銀一十兩
八錢

上下丁四十九丁每丁派銀三錢共派銀一十四
兩七錢

中上丁二百一丁每丁派銀二錢共派銀四十四兩
二錢

中中丁二百九十三丁每丁派銀一錢伍分共派
銀四十三兩九錢五分

中下丁五百九十丁每丁派銀一錢二分共派銀七十兩八錢

下上丁一千三十四丁每丁派銀九分共派銀九十三兩六分

下中丁三千一百七十二丁每丁派銀六分共派銀一百九十兩三錢二分

下下丁五千五百四丁每丁派銀三分共派銀一百六十五兩一錢二分

共分三等九則

已上共派丁銀六百三十五兩四錢五分遵照雍正四年均入地糧無論紳衿富戶不分等則一例輸將

按每地糧一兩該攤派丁銀四分三厘九毫九絲三末七忽八沙二塵二埃二漠七灰

原額匠價銀一十兩八錢一分九厘遵照乾隆三年均入地糧無論紳衿富戶不分等則一例輸將

按每地糧一兩該攤派匠價銀七毫四絲八忽九

微八織八沙七塵五埃三渺二灑七灰

田賦

原額一色地八千八十五頃二十一畝一分三厘一

毫五絲

原額并加價銀一萬四千四百一十五兩一錢五分

二厘七毫六絲三忽九微二織

又萬歷年間每畝加增九厘原額銀七千二百七十

六兩六錢九分一毫八絲三忽五微

二項共原額銀二萬一千六百九十一兩八錢四分

二厘九毫四絲七忽四微二纖每畝照依則例派
銀二分六厘八毫二絲九忽三纖六沙四塵九埃
九渺二漠三溟

遇閏加額銀五百一兩六錢二分九厘八毫每畝照
依則例派銀六毫二絲四微二纖八沙八塵九渺
七漠內於

順治三年 巡按甯具題奉

旨免荒徵熟

除荒蕪地二千七百一十頃四分九厘除荒免徵銀

七千二百七十兩六錢八分一厘

現種成熟及康熙八年起至雍正十一年止勸墾自
首共地五千三百七十五頃二十畝六分四厘

共派銀一萬四千四百三十一兩四錢九分八厘

又補徵黃丹熟銅銀十五兩七錢七厘

一該攤派丁銀六百三十三兩四錢五分

一該攤派匠價銀十兩八錢一分九厘

計丁地二項并匠價補徵等銀共徵銀一萬五千九

十一兩四錢七分四厘遇閏加額銀二百三十四

兩三錢九分四厘

耗羨

額征丁地銀一萬五千九十一兩四錢七分四厘每

兩一錢五分耗

額征耗羨銀二千二百六十三兩七錢二分一厘遇

一閏加額

雍正元年奉旨允准題覆火耗歸公各官給與養廉額定加二火耗完納

正項解款

一歲解開歸道衙門河夫銀一百四十三兩五錢二

分遇閏加額門衛銀二千六百一錢四分六厘

一歲解糧道衙門漕糧銀二十九兩二錢四分六厘
一歲解按察司衙門驛站裁扣銀四十七兩七錢五分
遇閏加額

一歲解布政司庫銀一萬三千五百四十九兩六錢
二分七厘遇閏加額

正項留支欸

文廟歲修銀一兩二錢九厘

文廟二祭銀四十兩

文廟三祭銀四十兩

文昌廟二祭銀二十六兩六錢六分六厘

社稷壇二祭銀五兩九錢六分八厘

風雲雷雨壇二祭銀五兩九錢六分八厘

八蜡祠三祭銀八兩四錢

邑厲壇三祭銀八兩四錢

本府訓導俸銀四十兩乾隆元年奉 上諭教職乃師儒之官有督課士子之責

舊例教職兩官同食一俸未免不敷養廉着從春
季爲始照各官品級給與全俸永著爲例

廩糧銀十六兩八錢

膳夫二名工食銀四十兩

本府禁卒一名工食銀六兩

馬快一名工食銀六兩

喂馬草料銀一兩四錢一分六厘

步快二名工食銀十二兩

本縣俸銀五兩八錢九分二厘

門子二名工食銀十二兩

馬快八名工食銀四十八兩

喂馬草料銀十一兩三錢三分

民壯二十名每名歲支銀八兩共銀一百六十兩

皂隸十六名工食銀九十六兩

三河渡夫三名工食銀七兩五錢

傘扇夫三名工食銀十八兩

轎夫四名工食銀二十四兩

庫子四名工食銀二十四兩

禁卒八名工食銀四十八兩

斗級四名工食銀二十四兩

本縣馬夫二名馬二匹每名日支銀九分五厘該扣

銀六十七兩四錢五分

鞍屨銀十兩九錢五分

舖司兵三十五名工食銀二百一十兩

孤貧七名口每名日支口糧銀一分該扣銀二十四兩八錢五分

花布銀二兩三錢五分六厘

儒學教諭俸銀四十兩

訓導俸銀四十兩

喂馬草料銀一兩五錢七分四厘

門斗二名工食銀十四兩四錢

齋天三名工食銀三十六兩

廩生二十名廩糧銀五十六兩

膳夫二名工食銀四十兩

典史俸銀四兩一錢二分七厘

門子一名工食銀六兩

皂隸四名工食銀二十四兩

馬夫一名工食銀六兩

以上各款留支四季俸工役食壇廟祭祀廩糧孤
貧等項共銀一千三百二十一兩三錢三分三厘

遇閏加額

耗羨解款

一歲解布政司庫銀二千三兩七錢二分一厘遇閏
加額

耗羨留支款

一歲支本縣公費銀一百八十兩

一歲支典史養廉銀八十兩

驛遞

本縣驛站並協濟改解外額徵支解銀一百二十六

兩一錢五分

一歲支給夫馬工料等項共銀七十八兩四錢

一歲裁減夫馬工料等項共銀四十七兩七錢五分
以上驛站銀兩遵照嘉慶八年十月內 巡撫馬

具奏將驛站應需夫馬工料等項銀兩在於下
地銀內扣支應解裁減銀兩每歲扣貯縣庫於奏
銷後照數批解按察司衙門貯庫

加價

嘉慶元年挑挖祥符等三十三州縣城濠土方借動

軍需銀三十八萬九千三百一十三兩八錢五分
五厘 奏明自嘉慶五年爲始分作二年在於河
南地糧內攤徵還欵泌陽應攤銀一千七百九十
八兩五錢二分九厘

此欵
征滿

嘉慶三年堵築睢汎五堡漫工用過稽麻土方等項
加價銀二百一萬九百一十七兩二錢七分五毫
奏明自嘉慶七年爲始分作五年在於河南地
糧內攤徵還欵泌陽應攤銀九千二百八十四兩

五錢九分一厘

此欵
征滿

嘉慶八年堵築封邱汛十四堡衙家樓漫工用過稽
麻土方加價銀七百四十三萬七千五百七十二
兩三錢八分六厘 奏明自嘉慶十二年爲始分
作十年攤徵還款泌陽應攤銀三萬三千六百六
十七兩一錢九分八厘

此款
征滿

嘉慶九年辦理衙家樓善後工程及甲子年歲料帮
價用過加價銀一百萬三千五百六十四兩四錢
八分四厘 奏明自嘉慶二十二年爲始分作兩
年攤徵還款泌陽應攤銀四千六百五十兩九錢

八分二厘

此款
征滿

嘉慶十八年挑濬賈魯等河用過例價銀一十二萬
二千六百六十九兩四錢七厘 奏明自嘉慶二
十四年爲始分作三年攤徵還款泌陽應攤銀六
百一十七兩五分三厘

此款
征滿

附羊冊湖官地三十六頃二十四畝一分五厘一毫
每畝征租銀七分共額征租銀二百五十三兩六
錢九分一厘除完本年丁地正耗銀一百一十七
兩一錢一分五厘遇閏加銀二兩五錢八分四厘

并扣解如價銀兩外實解 河北鎮餘租銀一百

一十七兩至二十兩零不等

高邑百畝二保共山一百零七段每年額征銀二十三兩

七錢五分四厘移解碓山縣正耗共銀十七兩四錢

一分六厘

學田

教諭六十畝
訓導四十畝

解北鎮餘租及解碓山正耗糧銀并學田此三項係
租稞項下不在征賦之列

附康熙二年泌陽縣知縣孟 急陳民困詳文

南陽府泌陽縣爲遵奉

上諭急陳民困害可除利亦可興事竊照泌邑凋殘凡
丁地錢糧僅當原額十分之一不惟元氣傷盡補救
實難抑且銅弊日深民生何賴泌處叢山之中岡磧
斥鹵土膏浸薄傳聞歷來地賦止分銅鐵石三等然
其冊籍邈難稽矣即以窀屬論之南唐等處行糧有
金銀銅鐵石五色之分亦有上中下三則不等而總
之辨土作貢之良法不可易也獨泌每畝起科至二

分六厘是一色到底竟比五色中之銀地與三則中之上地不比豈泌之土盡高而無下乎又豈今昔異時礪可化而爲沃乎所以年來荒不見少墾不見多小民謂種地十畝不足以當三四畝之收竭終歲之艱辛尙不免剜眼前之肉若不早爲直陳將有輟耕流離不可勝言者矣敢籲憲臺仰體

仁俯垂赤子查照各州縣規則按地行差蓋均無貧莫此爲亟如曰已定之賦難以更張合無請自康熙二年起凡四季勸墾地畝聽民間報係某色即照某

色起科不必勘定一色致令偏苦庶積弊革而賦役平賦役平而民困蘓民困既蘓而人樂於開墾是則救弊之中而實寓興利之微權其於殘邑甚非小補也具詳於康熙四年五月二十一日蒙

本府糧廳周 批仰候本府詳行繳

本府理刑廳陳 批仰候道府詳行繳

本府加二級王 批仰候轉詳行繳

分守南汝道劉 批仰該縣徑報院司批行再奪繳

河南布政使司布政使徐 批仰候督院詳行繳

巡撫部院張 批仰布政司查報

本司看得泌邑條議鹽引墾地二事均有裨於地方
在所當議但歲食鹽引有額刊冊久定一時難以更
張至於續有墾荒俟呈報起科時該縣確勘按地定
則便民可也呈詳蒙

巡撫部院正一品加二級張 批據呈泌邑地係一
色今議續墾荒地起科時按地定則有無與賦役相
悖仰司再確查妥議通詳報覆詳蒙

本府批仰該縣即將所申勸墾地畝照三色造報是

否可行有無與賦役相悖查議明確具詳申府以憑酌奪

布政司批仰府即將泌陽縣所申勸墾地畝照三等造報是否可行有無與賦役相悖查議明確具詳申司以憑核呈隨具詳蒙

本府查看得泌陽縣地極荒殘賦則不均小民偏苦每歲惟正之供皆勉力辦納知縣孟人吉心切民瘼熟知其弊故有墾荒按地定則起科之議今蒙憲天覆駁斟酌允當以求永久可行本府查得原額熟地

并康熙元年以上新墾者業經一色行糧全書刊刻已定仍令照舊輸將外議將以後續墾荒地該縣確勘地畝高下厚薄分爲銅鐵石三則造報起科如此則上無虧損於國下實有裨於民又與賦役無悖則人皆樂於闢荒將見數年後俱成沃壤膏腴之地矣本府覆看得泌陽縣之條議原因該縣地畝舊例有銅鐵石三則行糧肥磽適均民不苦累後改爲一則百姓未免有苦樂不均之嘆視開荒爲畏途今該縣欲全復舊例恐見在賦額不可短少成規難以更張

止議以新墾續報之地分別銅鐵石三等則例俟限
滿行糧庶於賦役無悖糧額不虧民不苦累樂於開
荒矣事屬可行

二詳

覆看得泌邑山岡薄鹵舊賦止有銅鐵石三等自萬
歷初年間已然矣前人定則非無確見不知起自何
時遂變而爲一色之地夫變爲一色猶可言也至變
而與他處五色之銀地三色之上地同一起科不可
言矣前詳畧悉不便復贅然思揀弊而必明於弊之

由雖更正亦屬易易大約開剗之始人民逃亡冊籍散失以致輕重混淆無憑稽考迨後漸漸復業當差痛定思痛究之小民有欲言而不能言官吏遵成例而不敢言因循養安誰爲拯藥也不知事有寔不利於民者力莫患乎已竭賦莫苦於不均以日竭之力供偏重之賦歲且大登猶虞不給一遇薄收勢必典身賣工與夫折夫妻鬻兒女之所得言念及此可謂寒心所以泌之熟少荒多甚於他屬者不惟視荒墾爲畏途卽視熟地如棄物是熟者將有可慮之熟荒

者終無可開之荒而總由於差重地薄之故寔寔
堪何若一更正間上不虧國下不損民民日以息地
日以墾不至於轉徙溝壑而莫之救此則

卑職

之慟

哭流涕而不能已於陳者也敢懇憲台垂念殘黎積
苦酌以便宜之法除刊定全書規則并康熙元年以
上首墾行糧之地仍照一色外今後勸墾地畝俯從
民間照依銅鐵石三等報係某色取具結狀即准某
色起科但不許朦蔽隱肥請自二年始如此則民力
猶得少蘓賦役不煩更改於以答天心而培國脉誠

海陽縣志 卷六
爲今日興革之急圖也

三詳

覆看得泌邑以至荒至殘之區當極偏極重之賦雖
每年正項勉力輸將大半皆典身募工廳妻易子之
所辦民窮財盡可謂寒心

卑職

痼癩日久亦知束於

成例拯溺無術必不得已而議及墾荒按地之一法
憂恤之志苦矣蒙憲批是否與賦役相符仰見天台
爲國爲民之盛心務期於斟酌允當也夫救弊而不
酌其可行則變通亦匪易事但

卑職

身切民艱籌之

已熟如全書所載規額及康熙元年以上新墾業經
行糧者俱應照舊惟於今後開荒起科之時不必勒
定一色輕重便民實非難行之事且錢糧之已定者
不煩更張將來庶可少舒萬一口正上不虧國下不
累民赤子免致流離賦役又無違悖體

皇恩而惜民命莫踰於此矣

四詳

查看得墾地一案相應將原地先行分別銅鐵石三
等然後便於開墾起科之日照例徵銀此誠萬世永

遠之長策

卑職

初因原地額則已定不敢議更今蒙

駁確遵將原額地從公分出三等某地某則造且清冊外合無仍請憲酌查照院司批詳還以墾荒定則起見俟詳允之後止將由單確數新開款下註明墾地某則既於賦役無悖又事簡而易行總祈洪恩出自憲台非卑職所敢瀆陳也

五詳

查看得墾荒地畝請照三等起科若事非民困已極者不敢遽行瀆請即有不便成法者亦不敢輕議更

張以泌賦之偏苦勢必將原額差地盡照三等方得
均平特恐賦役所載行糧日久已成不刊之模至於
續墾之地查每年奉頒確數內另有新開項欵俟起
科之日於項下添入某則字樣如此實簡而易行無
悖於確冊者當無悖於賦役矣

雜稅

原額老稅銀四兩四錢

原額活稅銀二十一兩一分

原額牙帖銀一兩六錢

牙帖新增銀二兩五分三厘

活稅新增銀二十五兩二分七厘

當稅銀五兩

老牙活盈餘銀四百七十五兩八錢五分九厘

以上各款共征雜稅銀五百三十三兩九錢五分

九厘

倉儲

常平倉額貯穀一萬四千四百五十八石五斗一升
七合

義社倉額貯穀六千六百五十六石二斗九斗三合
勸捐社倉舊管存穀一萬二千四百九十九石二斗
一升四合四勺

鹽引附

明季人丁五萬八千八十八丁引三千八百張

康熙初年人丁九千餘丁引三千二百一十六張

按舊志縣令孟公人吉於康熙二年詳請減引緣由看得引隨鹽銷鹽隨丁食故丁多則食鹽亦多丁少則食鹽亦少額數雖有成規而時勢移人消長迥異至有望九閭而莫告者今伏讀

上諭併捧繹

詔書內一款有鹽課積逋催徵不得者着察明亦准酌

量豁免煌煌

天語其於勤恤民隱之意何重以周也於此有因循瞻顧而不敢陳不幾負

朝廷而爲生民之罪藪乎查泌邑舊額引三千八百餘張乃萬歷初年人烟全盛故得以計口而食無慮難銷耳兵火之後鄉城變爲坵墟民人百不存一幸

清定至今漸積生養丁過六千然以視五萬八千之原額爲何如而輸引又不下三千二百有奇大約每

丁合歲食鹽一石嗟此窮黎不知歲食一石者就使商販輻輳而來將聽其自賣自食乎抑官令散食民間乎自賣自食勢不能矣官令散食又有禁矣而况以若絕若續之鹽供隨報隨銷之引既患鹽之不過也即鹽多而究無所施既患商之不前也縱商集而亦無所用所以然者官不能束草以爲人即不能點石以成引事坐兩困勢處萬難如順治十六年逃亡引四百餘道卑職到任有帶徵接管之責雖陸續賠補而喫苦難言此積逋之已

事也泌邑止有沙河羊册兩店可以招商今見銷引愈難本行屢屢告退不得因而躲避此又拖欠之近事也是地方明明有累而不言如人有病而不求治安用此縣官爲哉且也順治十三年五月內奉 部題覆河東御史朱 直陳鹽政之弊等

事一疏將行鹽三省人丁通盤均派內開泌陽縣該銷引二千七百三十四張遵奉在案矣

卑職亦

知鹽政攸關增減匪易然減則或碍成例仍則無虧正課今雖不敢過望以告減而十三年之奉有

諭旨獨不可仿而行乎敢懇

憲台軫念地方疾苦與商民俱困查照題定前額
速賜允行庶

國課不致壅滯而殘區得免偏苦之累矣

乾隆五十七年鹽課歸入地丁民運民銷額征鹽課
銀一千九百六十一兩八錢九分二厘

嘉慶十一年六月山西巡撫同 奏准以鹽務改爲

商運商銷所有加征鹽課銀應於招商按辦之年
爲始仍令該商照舊數完交無庸再行攤征

嘉慶十一年郡志開載食河東鹽歲額引三千二百九十六張每季徵銷八百二十五引

額引三千二百九十六張

餘引六千七百張

代銷蒲州夏縣二處引七十張

共引一萬零六十六張每引運鹽二百四十一萬五千八百

百四
十斤

嘉慶二十四年山西巡撫成 奏准改歸商運民銷

商撤會英鎮開設

按河東鹽引向係行銷晉陝豫三省乾隆五十七年課歸地丁定爲民運民銷嗣於嘉慶十二年復商案內改爲商運商銷嘉慶二十四年十一月山

西巡撫成 奏稱河東鹽務其行銷晉陝二省引

地路途較近運本稍輕從前尙可勉力支持近因銀價增昂辦理實形竭蹶懇援照乾隆四十二年增加耗鹽之案每引酌加鹽十斤豫省銀價更昂運本及辛工等項用度尤爲繁重現在賠累不支舊商紛紛告退新商不肯接充課食有虧所闕匪

細請援照淮南商行銷江廣之例商運民銷應令承
辦豫省各商運監至晉豫適中之地以待民販所
有課項仍係該商完納嘉慶二十五年四月 部
覆議准遵行在案